


界身足論

上

三百六十四
枝七

50328



阿毗達磨界身足論卷上

太宗文皇帝製

枝

大唐三藏聖教序

蓋聞二儀有像顯覆載以含生四時無形潛
寒暑以化物是以窺天鑑地庸愚皆識其端
明陰洞陽賢哲罕窮其數然而天地苞乎陰
陽而易識者以其有像也陰陽處乎天地而
難窮者以其無形也故知像顯可徵雖愚不
惑形潛莫覩在智猶迷況乎佛道崇虛乘幽
控寂弘濟萬品典御十方舉威靈而無上抑
神力而無下大之則弥於宇宙細之則攝於
毫釐無滅無生歷千劫而不古若隱若顯運

百福而長今妙道凝玄遵之莫知其際法流
湛寂挹之莫測其源故知蠢蠢凡愚區區庸
鄙投其旨趣能無疑惑者哉然則大教之興
基乎西土騰漢庭而皎夢照東域而流慈昔
者分形分跡之時言未馳而成化當常現常
之世民仰德而知遵及乎晦影歸真遷儀越
世金容掩色不鏡三千之光麗象開圖空端
四八之相於是微言廣被拯含類於三塗遺
訓遐宣道尊群生於十地然而真教難仰莫能
一其旨歸曲學易遵邪正於焉紛紜所以空
有之論或習俗而是非大小之乘乍以時而
隆替有玄奘法師者法門之領袖也幼懷貞

敏早悟三空之心長契神情先包四忍之行
松風水月未足比其清華仙露明珠詎能方
其朗潤故以智通無累神測未形超六塵而
迥出隻千古而無對凝心內境悲正法之陵
遲栖慮玄門慨深文之訛謬思欲分條析理
廣彼前聞截僞續真開茲後學是以翹心淨
土往遊西域乘危遠邁杖策孤征積雪晨飛
途間失地驚砂夕起空外迷天萬里山川撥
煙霞而進影百重寒暑躡霜雨而前蹤誠重
勞輕求深願達周遊西宇十有七年窮歷道
邦詢求正教雙林八水味道飡風鹿苑鷲峯
瞻竒仰異承至言於先聖受真教於上賢採

蹟妙門精窮與業一乘五律之道馳驟於心
田八歲三篋之文波濤於口海爰自所歷之
國摠將三藏要文凡六百五十七部譯布中
夏宣揚勝業引慈雲於西極注法雨於東垂
聖教缺而復全蒼生罪而還福濕火宅之乾
燄共拔迷途朗愛水之昏波同臻彼岸是知
惡因業墜善以緣昇昇墜之端唯人所託譬
夫桂生高嶺零露方得泫其華蓮出淥波飛
塵不能汚其葉非蓮性自潔而桂質本貞良
由所附者高則微物不能累所憑者淨則濁
類不能沾夫以卉木無知猶資善而成善況
乎人倫有識不緣慶而求慶方冀茲經流施

將日月而無窮斯福遐敷與乾坤而永大

大唐皇帝述

聖記

在春宮日製

夫顯揚正教非智無以廣其文崇闡微言非
賢莫能定其旨蓋真如聖教者諸法之玄宗
衆經之軌躅也綜括宏遠奧旨遐深極空有
之精微體生滅之機要詞茂道曠尋之者不
究其源文顯義幽履之者莫測其際故知聖
慈所被業無善而不臻妙化所敷緣無惡而
不剪開法網之綱紀弘六度之正教拯群有
之塗炭啓三藏之秘局是以名無翼而長飛
道無根而永固道名流慶歷遂古而鎮常赴
感應身經塵劫而不朽晨鍾夕梵交二音於

鷲峯慧日法流轉雙輪於鹿苑排空寶蓋接
翔雲而共飛莊野春林與天華而合彩伏惟
皇帝陛下上玄資福垂拱而治八荒德被黔
黎斂衽而朝萬國恩加朽骨石室歸貝葉之
文澤及蠃虫金匱流梵說之偈遂使阿耨達
水通神甸之八川耆闍崛山接嵩華之翠嶺
竊以法性凝寂靡歸心而不通智地玄奧感
懇誠而遂顯豈謂重昏之夜燭慧炬之光火
宅之朝降法雨之澤於是百川異流同會於
海萬區分義揔成乎實豈與湯武較其優劣
堯舜比其聖德者哉玄奘法師者夙懷聰令
立志夷簡神清齟齬之年體拔浮華之世凝

情定室匿迹幽巖。栖息三禪。巡遊十地。超六塵之境。獨步迦維。會一乘之旨。隨機化物。以中華之無質。尋印度之真文。遠涉恒河。終期滿字。頻登雪嶺。更獲半珠。問道往還。十有七載。備通釋典。利物為心。以貞觀十九年二月六日奉

勅於弘福寺翻譯聖教要文。凡六百五十七部。引大海之法流。洗塵勞而不竭。傳智燈之長燄。皎幽闇而恒明。自非久植勝緣。何以顯揚斯旨。所謂法相常住。齊三光之明。我皇福臻。同二儀之固。伏見御製衆經論序。照古騰今。理合金石之聲。文抱風雲之潤。治輒以輕

塵足岳墜露添流略舉大綱以為斯記
阿毗達磨界身足論卷上

尊者世友造 三藏法師玄奘奉 詔譯

本事品第一

三地各十種

五煩惱五見

五觸五根法

六六身相應

在阿毗達磨界身足論卷上

有十大地法十大煩惱地法十小煩惱地法
五煩惱五見五觸五根五法六識身六觸身
六受身六想身六思身六愛身十大地法云
何一受二想三思四觸五作意六欲七勝解
八念九三摩地十慧十大煩惱地法云何一
不信二懈怠三失念四心亂五無明六不正

知七非理作意八邪勝解九掉舉十放逸十
小煩惱地法云何一忿二恨三覆四惱五嫉
六慳七誑八諂九憍十害五煩惱云何一欲
貪二色貪三無色貪四瞋五疑五見云何一
有身見二邊執見三邪見四見取五戒禁取
五觸云何一有對觸二增語觸三明觸四無
明觸五非明非無明觸五根云何一樂根二苦
根三喜根四憂根五捨根五法云何一尋二
伺三識四無慙五無愧六識身云何一眼識
二耳識三鼻識四舌識五身識六意識六觸
身云何一眼觸二耳觸三鼻觸四舌觸五身
觸六意觸六受身云何一眼觸所生受二耳

觸所生受三鼻觸所生受四舌觸所生受五
身觸所生受六意觸所生受六想身去何一
眼觸所生想二耳觸所生想三鼻觸所生想
四舌觸所生想五身觸所生想六意觸所生
想六思身去何一眼觸所生思二耳觸所生
思三鼻觸所生思四舌觸所生思五身觸所
生思六意觸所生思六愛身去何一眼觸所
生愛二耳觸所生愛三鼻觸所生愛四舌觸
所生愛五身觸所生愛六意觸所生愛受去
何謂受等受各等受已受當受受所攝是名
受想云何謂想想等想想現想已想想當想是名想
思云何謂思等思現思已思當思思所攝造

心意業是名思觸云何謂觸等觸現觸已觸
當觸是名觸作意云何謂心引於隨引等隨
引現作意已作意當作意警覺心是名作意
欲云何謂欲能欲性現欲性喜樂性趣向性
希欲性欣求性欲有所作性是名欲勝解云
何謂心勝解性已勝解當勝解是名勝解念
云何謂念隨念別念憶念憶念性不忘性不
忘法不失性不失法不忘失性心明記是名
念三摩地云何謂心住等住現住近住不亂
不散攝持寂止等持心一境性是名三摩地慧
云何謂於法簡擇最極簡擇極簡擇法了相
近了相等了相聰叡通達審察決擇覺明慧

行毗鉢舍那是名慧不信云何謂不信不信
性不現信性不印不可不已委信不當委信
不現委信令心不淨是名不信懈怠云何謂
不精進性劣精進性昧精進性障礙精進止
息精進心不勇悍不已勇悍不當勇悍是名
懈怠失念云何謂空念性虛念性忘念性失
念性心不明記性是名失念心亂云何謂心
散性心亂性心異念性心迷亂性心不一境
性不住一境性是名心亂無明云何謂三界
無智不正知云何謂非理所引慧非理作意
云何謂染污作意耶勝解云何謂染污作意
相應心勝解心印順是名邪勝解掉舉云何

謂心不寂靜不極寂靜不寂靜性。嚙舉等。嚙
舉心。嚙舉性。是名掉舉。放逸云。何謂於斷不
善法。引集善法不堅任。作不恒常。作不親不
近。不修不習。是名放逸。忿云。何謂忿。等忿。徧
忿。極忿。已忿。當忿。是名忿。恨云。何謂心結恨
等。徧結。恨心。怨結。性是名恨。覆云。何謂急所
作罪。惱云。何謂心憤。惱。堅執。尤蛆。心恨。戾性
是名惱。嫉云。何謂心不忍。他之榮利。慳云。何
謂於財法。心著不捨。誑云。何謂矯惑。他諂云。
何謂心曲。憍云。何謂如有一作如是。念我具
妙色財位伎藝。淨命功德。形貌端嚴。衆所樂
見。由此因緣。便起憍傲。極憍傲。醉悶等。醉悶

眊眩等眊眩心踞傲性是名憍害云何謂於
有情樂為捶撻諸損惱事是名害欲貪云何
謂於諸欲起貪等貪執藏防護愛樂耽著是
名欲貪色貪云何謂於諸色起貪等貪執藏
防護愛樂耽著是名色貪無色貪云何謂於
諸無色起貪等貪執藏防護愛樂耽著是名
無色貪瞋云何謂於有情欲為逼害內懷栽
蘖極瞋恚徧瞋恚等瞋恚瞋極瞋意憤恚現
瞋恚已瞋恚當瞋恚是名瞋疑云何謂於諸
諦猶豫有身見云何謂於五取蘊等隨觀執
我或我所由此起思樂慧觀見是名有身見
邊執見云何謂於五取蘊等隨觀執或斷或

常由此起忍樂慧觀見是名邊執見邪見云
何謂謗因謗果或謗作用或壞實事由此起
忍樂慧觀見是名邪見見取云何謂於五取
蘊等隨觀執為最為勝為妙第一由此起忍
樂慧觀見是名見取戒禁取云何謂於五取
蘊等隨觀執為清淨為解脫為出離由此起
忍樂慧觀見是名戒禁取有對觸云何謂五
識相應觸增語觸云何謂意識相應觸明觸
云何謂無漏觸無明觸云何謂染污觸非明
非無明觸云何謂不染有漏觸樂根云何謂
觸順樂受觸者所起身心樂平等受受所攝
是名樂根苦根云何謂觸順苦受觸者所起

身苦不平等受受所攝是名苦根喜根云何
謂觸順喜受觸者所起心喜平等受受所攝
是名喜根憂根云何謂觸順憂受觸者所起
心憂不平等受受所攝是名憂根捨根云何
謂觸順不苦不樂受觸者所起身心捨非平
等非不平等受受所攝是名捨根尋云何謂
心推覓徧推覓顯示極顯示現前顯示尋求
徧尋求筭計徧筭計構畫徧構畫分別等分
別等分別性是名尋伺云何謂心巡行徧巡
行隨徧巡行伺察徧伺察隨徧伺察隨轉隨
流隨屬彼性是名伺識云何謂六識身所謂
眼識乃至意識無慙云何謂無慙無所慚無

別慙無著無所著無別著無敬無所敬無別
敬無自在無所自在無別自在無所畏憚自
在而轉是名無慙無愧云何謂無愧無所愧
無別愧無耻無所耻無別耻於罪不怖性於
罪不畏性於諸罪中不見怖畏是名無愧眼
識云何謂眼及色為緣所生眼識此中眼為
增上色為所緣於眼所識色所有了別各別
了別是名眼識耳鼻舌身意識云何謂意及
法為緣所生意識此中意為增上法為所緣
於意所識法所有了別各別了別是名意識
眼觸云何謂眼及色為緣生於眼識三和合
故觸此中眼為增上色為所緣於眼所識色

諸觸等觸現觸已觸當觸是名眼觸耳鼻舌
身意觸云何謂意及法為緣生於意識三和
合故觸此中意為增上法為所緣於意所識
法諸觸等觸現觸已觸當觸是名意觸眼觸
所生受云何謂眼及色為緣生於眼識三和
合故觸觸為緣受此中眼為增上色為所緣
眼觸為因眼觸為集眼觸種類眼觸為緣眼
觸所生作意相應於眼所識色諸受等受各
別等受已受當受受所攝是名眼觸所生受
耳鼻舌身意觸所生受云何謂意及法為緣
生於意識三和合故觸觸為緣受此中意為
增上法為所緣意觸為因意觸為集意觸種

類意觸為緣意觸所生作意相應於意所識
法諸受等受各別等受已受當受受所攝是
名意觸所生受眼觸所生想云何謂眼及色
為緣生於眼識三和合故觸觸為緣想此中
眼為增上色為所緣眼觸為因眼觸為集眼
觸種類眼觸為緣眼觸所生作意相應於眼
所識色諸想等想各別等想現前等想已想
當想是名眼觸所生想耳鼻舌身意觸所生
想云何謂意及法為緣生於意識三和合故
觸觸為緣想此中意為增上法為所緣意觸
為因意觸為集意觸種類意觸為緣意觸所
生作意相應於意所識法諸想等想各別等

想現前等想已。想當想是名。意觸所生。想眼
觸所生。思云。何謂眼及色為緣。生於眼。識三
和合。故觸觸為緣。思此中眼為增上。色為所
緣。眼觸為因。眼觸為集。眼觸種類。眼觸為緣。
眼觸所生。作意相應於眼。所識色。識思等。思
各別等。思現前等。思已。思當思。思所攝造。心
意業是名。眼觸所生。思耳鼻舌身。意觸所生
思云。何謂意及法為緣。生於意識三和合。故
觸觸為緣。思此中意為增上。法為所緣。意觸
為因。意觸為集。意觸種類。意觸為緣。意觸所
生。作意相應於意。所識法。諸思等。思各別等
思現前等。思已。思當思。思所攝造。心意業是

名意觸所生思眼觸所生愛去何謂眼及色
為緣生於眼識三和合故觸觸為緣故受受
為緣愛此中眼為增上色為所緣於眼所識
色諸貪等貪執蔽防護愛樂耽著是名眼觸
所生愛耳鼻舌身意觸所生愛去何謂意及
法為緣生於意識三和合故觸觸為緣受受
為緣愛此中意為增上法為所緣於意所識
法諸貪等貪執蔽防護愛樂耽著是名意觸
所生愛

分別品第二中初門

門有八十八

初異類三門

謂受并識身

及無慙無愧

餘門八十五

謂受等次第

相應不相應 一行界處蘊

五受根謂樂根苦樂喜根憂根捨根大地法
受與五受根幾相應幾不相應乃至意觸所
生愛與五受根幾相應幾不相應大地法受
五受根無相應者皆不相應大地法想五受
根一切相應無不相應者如想思觸作意欲
勝解念三摩地慧亦尔不信五受根其報相
應五根不相應如不信餘大煩惱地法亦尔
忿恨惱嫉害二根相應謂憂捨五根不相應
覆誑諂三根相應除樂苦五根不相應憍四
根相應除苦五根不相應慳二根相應謂喜
捨五根不相應欲貪色貪三根相應除苦憂

五根不相應無色貪一根相應謂捨五根不
相應瞋三根相應除樂喜五根不相應疑四
根相應除苦五根不相應五見中邪見四根
相應除苦五根不相應餘四見三根相應除
苦憂五根不相應有對觸三根相應除喜憂
四根不相應除苦增語觸四根相應除苦三
根不相應除喜憂明觸三根相應除苦三
根不相應無明觸及非明非無明觸五根相
應五根不相應樂根無相應者皆不相應如
樂根苦根喜根憂根捨根亦尔尋伺五根相
應三根不相應除苦憂識五根相應無不相
應者無慙無愧五根相應五根不相應眼識

三根相應除喜憂五根不相應如眼識耳鼻
舌身識亦尔意識四根相應除苦三根不相
應除喜憂如六識身六觸身六想身六思身
亦尔眼觸所生受五受根無相應者皆不相
應如眼觸所生受餘受身亦尔眼觸所生愛
二根相應謂樂捨五根不相應如眼觸所生
愛耳鼻舌身觸所生愛亦尔意識觸所生愛三
根相應除苦憂五根不相應

分別品第二中第二門

六識身謂眼識耳識鼻識舌識身識意識大
地法受與六識身幾相應幾不相應乃至意
觸所生愛與六識身幾相應幾不相應大地

法受六識身一切相應無不相應者如大地
法受餘大地法亦尔不信六識相應六識不
相應如不信餘大煩惱地法亦尔念一識相
應謂意六識不相應如念餘小煩惱地法亦
尔欲貪六識相應六識不相應如欲貪瞋亦
尔色貪四識相應除鼻舌六識不相應無色
貪疑一識相應謂意六識不相應五見一識
相應謂意六識不相應有對觸五識相應除
意一識不相應謂意增語觸一識相應謂意
五識不相應除意明觸一識相應謂意六識
不相應無明觸及非明非無明觸六識相應
六識不相應樂根捨根六識相應六識不相

應苦根五識相應除意六識不相應喜根憂
根一識相應謂意六識不相應尋伺六識相
應一識不相應謂意識法六識身無相應者
皆不相應無慙無愧六識相應六識不相應
眼識六識身無相應者皆不相應如眼識耳
鼻舌身意識亦尔眼觸一識相應謂眼五識
不相應除眼如眼觸耳鼻舌身意觸隨所應
亦尔如六觸身六受身六想身六思身亦尔
眼觸所生受一識相應謂眼六識不相應如
眼觸所生受耳鼻舌身意觸所生受隨所應
亦尔

分別品第二中第三門

二法謂無慙無愧大地法受與此二法幾相應幾不相應乃至意觸所生受與此二法幾相應幾不相應大地法受諸不善者二法相應無不相應者餘受無相應者皆不相應如大地法受餘大地法亦尔不信諸不善者二法相應無不相應者餘不信無相應者皆不相應如不信餘大煩惱地法亦尔忿恨覆惱嫉慳害皆二法相應無不相應者誑諂憍諸不善者二法相應無不相應者餘誑諂憍無相應者皆不相應欲貪瞋恚俱二法相應無不相應者色貪無色貪無相應者俱不相應疑諸不善者二法相應無不相應者餘疑無

相應者定不相應五見中二見無相應者俱
不相應三見諸不善者皆二法相應無不相
應者餘三見無相應者皆不相應有對增語
無明觸諸不善者皆二法相應無不相應者
餘三觸無相應者皆不相應明觸非明非無
明觸無相應者俱不相應樂根諸不善者二

法相應無不相應者餘樂根無相應者定不
相應如樂根苦喜真捨根亦尔尋伺識法諸
不善者皆二法相應無不相應者餘尋伺識
法無相應者皆不相應無慙與無愧定相應
無不相應者與無慙定不相應無相應者無
愧與無慙定相應無不相應者與無愧定不

相應無相應者眼識諸不善者二法相應無
不相應者餘眼識無相應者皆不相應如眼
識耳鼻舌身意識亦尔如六識身六觸身六
受身六想身六思身亦尔眼耳身身意觸所生
愛諸不善者皆二法相應無不相應者餘眼
耳身意觸所生愛無相應者皆不相應鼻舌

觸所生愛俱二法相應無不相應者
說一切有部界身足論卷上

枝

掉舉

上徒反

伺

相寺反

警覺

上音

聰叡

下羊反 勇悍

下音

踞

二同反

憤惱

上粉反

尤蛆

下音

也音 蛆螫

也 很戾

上胡反

憇

憇傲

下吾反

倨傲

上音

音 據 眊

眩

上音

下音

捶捷

上之反

逼

彼力反

栽

藥

結下魚 搆畫 阿毗達磨界身足論 聖教序

下音獲 反 畏憚 旦下徒 反

窺 反 傾 彌 鑑 音 庸 愚 容 上音 包 反 必 交 控 反 苦 貢 抑 意

毫 釐 正 下 力 之 反 疑 反 魚 陵 湛 反 宅 軒 挹 邑音 蠢 尹尺力

鄙 碑 美 極 上 蒸 字 紛 紜 有 下 俱 詎 巨音 慨 反 苦 愛 訛

課 下 上 愚 和 反 反 析 拊 擊 反 同 先 翹 反 渠 遙 邁 反 莫 敗 躡

尼 輒 詢 反 息 旬 探 蹟 下 上 土 合 反 反 馳 驟 瘦 下 床 篋 怯 苦

臻 反 側 巾 法 反 玄 犬 卉 木 上 助 鬲 反 許 聖 記 反 惠 萌 局 決

闡 昌 演 軌 躡 下 上 俱 水 反 反 綜 反 子 送 宏 反 惠 萌 局 決

翔 祥音 黔 黎 上 巨 兼 反 反 枉 反 汝 審 蝗 蟲 下 上 俗音 昆 螢 決

匱 求 位 甸 音 殿 嵩 華 下 上 息 弓 反 反 靡 苗 彼 齧 齒 反 條 下 匿 反 尼力

昌 謹 反 條 下 匿 反 尼力

